

کلماتی والہوی

ہناء صبری

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادي

مدير الإنتاج

أحمد عبد الحليم

الطبعة الأولى

الكتاب : كلماتي والهوى

المؤلف : هناء صبرى

تصنيف الكتاب : شعر

المقاس ٢٠ × ١٤

رقم الإيداع : ٢٣٥٩٨ / ٢٠١٧

التقييم الدولى : 5 - 543 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

الإهداء

إلى أختي إيمان وأمي الروحية وأستاذتي في هذه الدنيا
من تذوقت علي يديها جمال الحرف وتربت روحي علي
سماع كلماتها..

اهديكِ هذه الحروف عرفانا مني واعلم أن نجاحي هو
نجاح لك أنتِ

نقشتي حروفك علي جدار عمري وأنا سطرتها علي
ورق... فلك أهدي هذا الكتاب..



متطرفة فى الحب

أعترف أنا أنى منذ أحبتك أصبحت متطرفة فى
الحب، سادية العشق

متقلبة المشاعر فى كل لحظة لا تتوقع منى رد فعل

أصابتنى عاصفة رعدية ألهمت كل ثنايا القلب

أمتلك كل أنانية الكون حين سقطت فى قلبى أول
نظرة حبّ منك

ولما أنكر أنى أستحق الشنق والموت

على الملأ حاكمونى وسأعترف

سأعترف أن من أحبّت رجلٌ مثلك لا ينقذها من
الجنون بك وفقدان العقل سوى الموت

راضية أنا بموتى من أجل عينيك ولحظة عشق
تسرى فى القلب ولمسة منك بعدها أزهد فيها عن
كل شيء

أمتنى فىك وأحبنى فقط بين تلك الذراعين



أكون أو لا أكون

أكون أو لا أكون

مش هاقبل أكون فى كونك شيء مـركون

لما تحب تشوفه أو يسعد لك يومك يكون

حب للحاجة حب مالوش عندى لزوم يكون

وجودى فى حياتك لو ماكنش أهم حاجة

فمالوش حبك عندى لزوم

أنا قلبى مش ملك يمينك

ولا موجود يطرى عليك حر حياتك فى يوم

أكون فى يومك

فى تعبك

فى انشغالك

فى الهموم
أرضاً أكون
لكن هتخلينى لما يجيلك مزاجك
تعملنى حب حياتك
فى لحظة وتفتوت
مش هاكون أبدا فى يوم لحظة وتفتوت
مش هاكون



اشتياق يفضحة العيون

حينما بدا هو بإلقاء السلام بيديه وابتدأ الحديث،
لم تنظر هي إلى عينيه بعد فترة من البعاد، لم يرتضِ
منها أن تبعد عينيها، تتحول عن عينيه وكأنه
أمسك بأهدابها وأجفانها لتلتقط شوق عينيه، فإذا
بها مرغمة طاعة كأنها أصابها سحر، ألقت له
طوق النجاة بنظرها له، فرأت كيف يكون معنى
الاشتياق حين تتلاقى نظرات العاشقين بعد فترة
من الفراق

هنا يسكن الحب في الأحداق

هنا مكان الحب وليس في قلوب العشاق

تتظاهر هي بانشغالها عنه وهي ترمقه بطرف لحظها
وبالأهداب يتراقص حُياه في قلبها، توهمه أنها لا تبالي
بوجود عطر أنفاسه في الكون حولها بتجاهله، وهل
كان للكون معنى عندهم في لحظات الفراق؟!

كأنها غريبان لم يلتقيا وتلك هي أول مرة للقاء

يكذبان كي لا يفتضح أمر اشتياقهما في أعين كليهما
للآخر

ولا يعلن أن زفير وشهيق كل نفس منهما يعلن
افتضاح الاشتياق

ما أروع أن يطبع اشتياقه على قلبها قبلة وليس على
يديها

لمساتها تفضحهما، تتصرف أطراف أصابعهم بلا
اكتراث

هو يلمس طرف ثوبها، يخفى بعض من عرى
ملابسها غيراً

وهي تلمس ملابسه بلا إرادة أو وعى

كذب وخداع وهروب تمثيل فاشل من كليهما على
الآخر

وكل من حولهم يرون كيف أن كليهما يريد أن
ينفجر، وينطلق نحو الآخر ويعلن الاستسلام

الكل يقول إنهم يودان لو يختفى كل البشر ولا
يبقى سواهما ولو للحظات، فيتعانقان يث كل
منهم للآخر، بعناق طويل، مدى الاشتياق ولوعة
الاغتراب

ولكن هيهات

شئٌ كُسر بداخلهم يأبى أن يطيع جموح اشتياقهم
الجارف كالفيضان

فيستسلمان في النهاية لوضع كلمات النهاية ختام
اللقاء

كأنهما غريبان والكل حولهما يعرف أنهما حبيبان بل
عاشقان



قلبی وکرامتی وحوارهم الحزین

واحشني وعائزة اقول لك كلام ما يتقالش إلا قصاد
عينك

وهمسه ما يتحس إلا وإيدي ما بين إيديك

ولمسة منك بكل الحياة

ما هو انت عندي كل الحياة

ولكن ترجع كرامتي تنكد على

تفوقني من وهم عيشته كثير

وهم انك حبيبي

انك هتبقي لي حلم السنين

وافضل اقنع فيها واحايلها واقول لها:

يرضيك تسبي قلبي حزين؟!

تقول لي:

فوقي يا خايبة وهو ده اسمه حبيب؟

حبيب دا إيه اللى يعملك كده

تدی له حب تدی له شوق
وکتیر اهتمام وکمان غرام
وهو یا حیلتی معندوش غیر کلام
ما صعبتش علیک لما سابک فی وسط الطريق
ما وجعتکیش قهرتی لما رماک أنک غریب
طب حتی فاکرة لما انتظرتیه مرات کثیر
سابک لحالك وحیده شریده
وانت کنت له أقرب حبیب
فوقی بقی هی دی الحقیقه
هو ما یعرفش غیر کده
وکده ما یرضینش
وانا واقفه اتفرج علی قلبی وکرامتی
وحوارهم الحزین

ولا مالكة حل ولا حتى رأى
بادارى دموعى على دا حديث
باقول لنفسى دى بقى أخرة الطريق
دا الحب اللى اتمنيته من سنين
ما كنش كده والله ما كان
ولا قلبى حس معاه لحظة ألم
ولا كرامتى داقت معاه يوم ندم
لكن هنعمل إيه فى لعبة الزمن
تديك حبيب أروع حبيب
تشوف على إيديه الهنا
وبرضه تشرب من إيديه فى النهاية الألم



روح متكسرة

بقايا روح متكسرة متنتورة فى الكون مليون حنة

كسرنى ناس

عمرى ما تخيلت إن كسرتى تيجى منهم

قريب وياغريب ومعاهم الى عمل نفسه صديق

والى مثل على دور الحبيب

والى جالى يداوى جرحهم

وسابنى فى دمنى غريق

ضيعوا الى يا ربى من روحى جماها

دمروا الى بقايا أى أمل يخلى لدنيتى لزمة

خدعونى واستغلونى

وشافونى زى طفل بريء

ماهانس عليهم يسيبوا له براءته

لا طولت أعيش بالقسوة اكمل

ولا عارفة يا ربى كمان اتحمل
بانا جيڪ وباشكى لك
وبدمع عينى باقول
لك مش مسامحة على وجعى ويأسى الى اتولد
منهم
وسابوه لى يموتني
طالبها يا ربى منك انت الحنين تسامحنى
تصبرنى اكمل فى دنيا غابة ما تتعاش
مع بشر وشها غشاش
يا تاخذنى تريحنى
واكون جنبك وانت عالم بوجعى
وقادر تريحنى



انا باكرهك

أيوه أنا أخيراع إيديك عرفت أكره

أكره ضعفى فى حبي

أكره ذلى فى قربك

أكره إنى عرفت الأخلص للى ما يستاهلش أخلص
له

باكرهك بعد ما خلصت فيك كل المشاعر

الى يحب مش ممكن يكره

غلط

الى حب وإدى كل حبه

مش باقى عنده إلا الكره فى قلبه

وبرضو هيكون من نصيبك

ازاى أنا كنت راضية

كنت عميا

كنت ساكنة

انت يا دوب كده

والهى بس تنسى ف لحظة

حب سنين يتنسى ف لحظة

أيوه

هى دى الوقت قيمتك

الى ما قدرش حبي

واللى اتلذذ بوجعى

الى ما هانش عليه حتى كلمة يطيب بيها مواجعى

الى شافنى باموت قصاده وسبنى امشى

الى عاش دور البرى الطيب الإنسان الحنين

بانت حقيقته

كلها زيف مُحَادَع

اخلع بقى وش البراءة

ولا سيبه ما عادش يفرق

شايفة وشك

شايفة غشك

شايفة أنايتك الى كلت من قلبى

وعمرى أحلى سنيه

انت ازاي قدرت زى الحية

تسكن هنا ف وريدى واتغذى بسمك

كبر حبك جواى
وانت بتتغذى من دمی وحبی واشتياقی
والامل الی یوماتی فیک کان بیکبر
عمری ما تعبتک ف مرة عمری
ولا حیرتک ف لحظه
ولا خلیتک تغیر حاجة ف یومک علشان تشوفنی
کنت انا دايمًا الی باقدم زی الأم حبی
وحنیتی واهتمامی وقربی
بلا مقابل
لا عمری خد وعد ولا شرطت علیک شرط
کل الی اتمنیته ف قربک

بس

قربك

انى اشوفك بعينى

إيدى تلمس بس إيدك

أقصى طموحى كانت حضنك

كنت بتمتع بإحساس العطاء ليك

جنتى كانت هى نطق اسمك

كانت كل سجدة فيها دعوة ليك

برافو عليك

عملت اللى مش ممكن كنت اتخيل انه يحصل

انى اكرهك

مبروك عليك دنيتك سبتها لك

ويا كُرهى

ويا صوتك

صورتك ذكرياتك حرقها جواى

وهارشها على قبرك فى قلبي

انت ما تستاهلش تانى يكون لك فى قلبى إلا قبرك

أنانى طماع مراوغ ما حبتش طول حياتك إلا نفسك

عيش بقا وياها لوحدك خليها تونس نيتك ويا غدرك

انا كارهة إنى أصلا فى يوم شفتك عرفتك

حسيت كتير بالمهانة ف قربك

وازاى سكت لك سنين

ازاى قبلت تقتل فى كرامتى؟!

ثقتى بنفسى

ازای سلامت لك بایدی مهانتی؟!

روح یا شیخ

یا رب تدوق فی بعدی:

ذلی

وجعی

قهرتی


دمعی

یا رب كل دعوة دعيتها له تبقى ف يوم القيامة في
ميزان حسناتي

وتبقى حجة عليك يتشوى بيها قلبك

يلا روح وانا وانت هنتقابل في يوم قريب

واحد ندمان والتانى كسب نفسه والباقي من عمره



منتظرة رهن إشارتك

لو لقيت حد غيرى يحبك قد حبي

سبينى روح له

وانسى جرحى سد ودنك عن صوت مواجعى

حتى انسى يومها اسمي

اطمس من قلبك بايديك ملامحى

دوس على ذكرياتى وجرحى

وعدى

افتكر بس سعادتك

واللى ممكن يرضى قلبك

أما أنا

سبيك من دمعتي وألمى

انا يادوب كنت وسادة فى يومك لراحتك

مركب شراعه شمس شقت ظلمت بحر ليلك

عشان توصلك لبرك

كنت كرسى تسند عليه فى يوم ضهرك من اللى
واجعك

ورد عطر

روحك المحرومة سنين عشتها قبلى

اعتبرنى تذكرة قطر

قطعتها توصلك لمحطة سعادتك

ولو ما لقتش عندها اللى عشته وشفته ودقته عندى

ارجع تانى لحضنى

حضرن أمك ويا أختك ويا بنتك

كلهم هنا ف حضرن حبيبتك

منتظرين رهن إشارتك



تانی خدعنی

كل الى وجعنى

انه تانى خدعنى

طب ليه ترضى تانى باللقا

لما انت مش ناوى تكمل

طب كنت صمم

ارفض ابعد

ليه ترضى لى بوصلك

واحيا تانى بقربك

وانسى انى فى يوم سبتك

ورضيت أنا ببعذك

واعيش من جديد الحلم القديم

وتانى

تانى تخدعنى بحبك

تانى تخدعنى بشوقك
والغرام اللى ف عيونك
والرقة اللى ساكنة صوتك
واحلى ساعات توهبها لى
ولمسة دفا وحنية تغطينى بيها
من ساعات باردة ياما عشتها ف البعد
وساينى وانا بانسج خيوط أحلامى من جديد
وشايفنى بابنى ف بيت ع الورق
هتقطعه انت بايديك
وتطيرنى ويا حروفه
وتعملها فى تانى
وتسيبنى زى كل مرة
بدون مبرر

بدون سبب

يريح قلبى الجريح

الى قتلته مرات ومرات أنت ببعذك

رضيت تانى بقتلى من جديد وبإيديك

ايدك الى عشت فى حضنها أحلى سنين

قتلت فى خلاص الأمل

انا كنت راضية بانى ميتة من سنين

ليه تدينى الأمل

وتحىي نبض قلبى الى اندفن

فى أرض بور من سنين

كنت سيبنى ميتة

وراضية بموتي

ولا تحيينى وتدوقنى جمال انى اعيش

على نبض حبيب
ولما أبدا اقوم من قبرى وأقف ع رجلى
أشم ريحة الحياة بعد ريحة الموت
تجى انت وبإيديك تحدفنى تانى ف قبرى
وتمشى وتسيبني
لا طولت ارجع ميتة وراضية بموتى
ولا هينفع أعيش من غيرك زى العاشين



قرانت

هاسيب لك دنيتك اتهنى بيها
لو روحى ف ايدك مش هاشتيتها
اصل الحب لا بيطلب ولا بالغصب يتاخذ م القلوب
اختار براحتك راحتك هتبقى ف ايه
لو قربى أو بعدى دا قرارك بين إيديك
اما انا فخلاص ياما عشت زى دى كثير
لحظات ع إيديك
تحيينى تموتنى بكلمة من عينيك
هابعد وصدقنى وانا مجبرة على تنفيذ قرارك
أصل الى حب وامتلك زى حبك
صعب يحى يوم عليه ويشحته من حروفك
من ساعاتك
انا بره دنيتك وبدون ضغوط
قرر انت عايز ايه



کله عادی

كل شيء في الدنيا بقى عادى

حب عمرك

هيجى يوم ويبقى عادى

حتى ابنك ولا بتتك هتبص لك

كأنك حد عادى

حتى شريك حياتك راح ييجى وقت

وما تحس غير انه بقى فى حياتك

حد عادى

شغلك فلوسك

حتى شكلك بيبقى عادى

وجعك

وفرحك

وياحزنك

على موت قريب

ولا حبيب

بيمر عادى

مافیش شيء بیستمر حلو ولا مُر

كله بیعدى عادى

تصلی تصوم تؤدى فروضك

وتحس برضوانك عادى

والا القرب منه

هو ده الى مش عادى

هو ده الى لما ليلة تفوت وتقومش تصلی قیام اللیل

ویضیع عليك الفجر

ساعتها ما بتقولش عادى

الحقیقة الوحيدة الى صعب ییجى یوم

وتحسها انها عادى

انك تتخيل حياتك بدون لمسة رضا

من ربك

تمر عليك وتحسها عادى

ربك بس هو الى مش عادى

والقرب منه ولذته

هو الى ما اتخلقش له فى القلب كلمة عادى



نيران العاشقين

الرقص الملهب بنيران العشق يكوى به جنبات
الأرض تحت أقدامهم

رفقا بأهل الأرض لا نالت عشقكم ولا هدأت سكير
نار حبكم

رويدا رويدا؛ فالأرض والهوى يزداد لهما من
عناقكم

أيا متعاقبين نظرة رحمة لمن حولكم

فنار العشق أعمت أبصارنا ولم تنل منكم ألما

ذابت جلود العاشقين بناركم

ولا زلتم حيارى هائمين بوجدكم

حذارِ ملا محكم انصهرت

وأرواحكم ولم يبقَ منها سوى طيف عشقكم

التحمت الروح والجسد

وصرتم كبقايا شمعة ذابت

وبقى منكم لهيب احتراقكم.



الحب حيرة

إذا كان الحب وجعا للقلب طب إليه يارب يطيبه؟!!

لا بقربه فرحانين

ولا في بعده مرتاحين

وأخرتها إليه في الغلب ده

كنت فاكرة زمان إن الحب هو السعادة

ولما دار الزمن اتاريه هو نهاية راحتنا كلنا

نجرى وراه سنين

ولما نلاقيه يلف

يمد إيده يطلع القلب منا ويسكنه

ونلاقى حريتنا بإيدينا فرطتنا فيها لمحتل

عشنا عمر بندور عليه عشان يحتلنا

ونرجع نشكى ونلوم على الزمن

وهو ماله ما بايدينا سلمنا عمرنا لى ما يملكش
فينا

بس بإرادتنا احتلنا

ملعون دى خدعة

خدعنا بيها سنين عمرنا

لا الحب عمره فرح

ولا القلب خالى هو همنا



حذارى من ذاك القناع

إن جاءكَ يوماً وظهر في حياتك فلا تتفاجئى

تلك عادته

سيحدثك ويلفت نظرك فترة طويلة حتى تلمحيه

سيتنظر وقت ضيقك وألمك ويظهر لك جلياً
يحوطك

سبيث لك آلاف الكلمات والأحاسيس

ولحظات الاهتمام بك

حتى تجديه هو اليد التى تظهر لك

من الظلام بالنور الوحيد فتستسلمى

وتبدئى تنظرين له بشكل مختلف

وتعتادينه فى يومك

وسيقسم لك أنك أول حب حقيقى مر بحياته

وستصدقين

وسيجول فى طرقات حياتك

وعمرك ويومك حتى تفيقي

وتجدينه استعمركِ

وأصابك بإدمان استعمارهِ

فلا حيلة لكِ سوى الاستسلام

راضية هائلة سعيدة باحتلالك

فهو قد قدم الكثير

هكذا ستوهمين نفسك

نعم

ومتى كان الشيطان يندرك بأعمال شيطانية

حتى يلفت نظرك له

وهل المستعمر يقتحم في زماننا البلدان بالحروب؟!

هو قد استعمل مشاعرك وظروفك وألمك ولحظات
ضعفك

قوة لاحتلالك

وستقومين يوما لتستقبلي حبيبك
وتجدي الوجه الحقيقي له
عزيزتي لا تتفاجئي
هاهو قد أزاح القناع عن وجهه
نعم هو ذلك الرجل الذي أمامك
لا تعرفين من هو ولا تصدقين عينيك
وحتى قلبك سيرفض وجوده بشدة
ستتمزق مشاعرك وستنصهرين كقطعة حديد
وستفقدين الأمل
فرفقا بقلوبكم
وإياكم والاستسلام في لحظات الضعف
ضعفك أهون مائة مرة وانتِ بمفردك
ستقاومين وسترجعين أقوى

وستتعلمين درس عمرك
ولحظتها ستكفرين بالحب
وبلحظة الضعف وبالرجال جميعا
وهو في تلك اللحظة
سيكون موجودا في زمان ولحظة ضعف أخرى
لفريسة أخرى
ويستمر في احتلال مدن النساء



أه محبوسة

عن آه محبوسة في صدرى من سنين

لو طلعت هتكسر كل الحيطان

كل البيان

هيسمعها أهل السماء من فوق

عن دمة مستخية

واجعة لى روحى

حاشاها لتغرق الكون باللى فيه

فى زمان مغشوش

عن حد عشت عمر ليه

تحميه تخاف عليه

تعليه تديله

ومش عايز مقابل

غير بس رضاه

عشان تعيش بسلام
عن حب بلا شروط
مسروق مالکش فيه
حتى حقوق بتعصر كل يوم فى قلبك
لاخر نقطة دم فيك
عشان تحييه وتموت
عن أمنية واحدة
بس ترتاح بلا حقوق
بأنك تعيش بس بسلام
أو حتى تموت
إن كانت دى هتكون فيها راحتى
أموت وارتاح



سأنفض عني غبار غرورك

وسياتى يوم
أنفض عن قلبى غبار غرورك والغباء
وأعمى به عينيك
وتختنق به روحك البلهاء
فهل أنت مستعد
أم خدعتك ثقتك العمياء
بأنك لن تهزم
فى يوم على يد أحد من النساء
زمانك سيولى قريباً
يا هذا استعد لزمن الشقاء
ابحث لك عن مكان جديد
تلملم فيه بعضاً من جروح روحك القادمة
وسيولى على يدى زمن الكبرياء



هتملنی

إياك في يوم تملني

لو حبي ليك ملا كياني وهزني

هتملني

لو اشتياقي عدى الحدود

وهزمني كبريائي ومحبي

هتملني

لما اقول لك كل شوية من قلبي كلمة باحبك

هتملني

لما اطالبك كل يوم تبعت لي صورتك

هتملني

طب اعمل إيه واشتياقي ليك ما له حدود

هتملني

ممكن في يوم من كتر حبي ولهفتي

وعطشى لقربك


تزهق وتبعد

هتملنى



مش حجر

حد يقول له إني مش حجر
بادوب لو قلبى لمسه بشر
من همسة صمت فى وسط كلامه
بتاخذنى لحد القمر
حساك فيك شيء جديد مداريه
ورا غصن فى شجر
مخيرنى كلامك مغموس بريجة ورد
مالية لى كياني
وباسمع وانا ساكتة خالص
وانا هاموت واسأل ميت سؤال
ولكن هاسيبك تخلص براحتك
لو كانت دى هتبقى راحتك
ولكن برضه خليك رحيم مع حد غرقان
بروعة بوحك وصمتك



ولا فارق

ولا فارق خلاص فارق
ماخذنا خلاص على بُعدك
تعبت اتمسك انا بيك
وانت ولا مرة بتمسك
عمر وبنيعه ليك
ومشاعر بتتهان على ايديك
ولا هامم
جربنا البعد والقرب ميتين مرة
ولا بيغير في قلبك شيء
فكرنا وعملنا ليك كل الى ممكن
والى كان مش ممكن
يكون واهو كان
وبرضه عليك هنّا

حلفت ابعء ولا ارجعشى
وكل مرة قلبى ما يقدرشى
ولا حسيت لحظة بڈل
ما انا م الاول عودتك تاخذ
وما عودتكش ازای تدى
فمش هالوم النهارده
ع قلب فسده انا بحبي
وتانى هقول انا هابعد
ويمكن فى مرة اقدر على البعد
وما ارجعشي
ماهو لازم فى مرة ربك هيرحمني
وفى المرة دى هاقول لك شيء
عمرى ما قلته لك

انا ندمانه ع عمر ضيعته
لقلب عمره ما قدرني
انا ندمانه على حلم
على وهم عشته وصدقته
انا ندمانه على إهانة قلبي
من قلب ما يعرفش قيمة قلبي
وفي الآخر هاسيب لك دنيتك
عشها تانى لو حدك
وانا وقلبي مع وجعي هنتصرف
ونتحمل وندعى بحرقه لربنا
المرة دايم نرجعش

ظز

طرز فی آی حد مش حاسس بقیمتنا

طرز فی آی حاجة ترهقنا فی عیشتنا

طرز فی الی خدوا مننا راحتنا

طرز علی الی باعوا عشرتنا

طرز علی الی فاکرین هنموت فی غربتنا

طرز علی قلب ما حسش بحینتنا

طرز علی الی اتغیروا علینا

طرز فی الی مستخسرین فینا فرحتنا

طرز فی الی فاکرین بعادهم

آخر دینتنا

و لو فی یوم قلبی حن ورضی تانی

طرز ساعتها فیَّ

ملعون أبو اللى يقول يا حب

تضحى وتيجى على نفسك عشانه

وييجى هو يبيعك فى ثانية

ملعون أبو اللى يقول يا حب

تقول اروح له انا مش مهم

استنى انا مش مهم اقدر أنا

تلاقى جحود تلاقى برود

تلاقى غباوة وعدم تقدير

مافيش زيه فى الوجود

ملعون أبو اللى يقول يا حب

تفكر ساعات ازاي ترضيه

وتعمل حاجات عشان تملا عينيه

وتهمل في حقك
وتدوس على كرامتك
والبعيد زى الغريب
لا بيحس ولا يهتم
ملعون أبو اللى يقول يا حب
والهى لاشيلك من قلبى شيلة
واحطك برة كونى
برة يومى
برة عمرى
وارجع واقول
ملعون أبو اللى يقول يا حب



أحبك بلا وعى

أُحِبُّكَ بلا وعى ولا إدراك
وكل حواسى تستسلم
وعلى أعتاب قلبك الأشواق تسبقني
لتنهاوى على الأقدام تتوسل
لقيامنا خمرٌ يُسكرنى بلا خمرٍ
حلالٌ فيك أن أسكر
بلحظ عينيك وربى أعلم
حينما تذوب لمعة عينيك فى عينيَّ
مغموسة فى الشوق
وهل ياربُّ لى منها سواك ملجأ؟!
وما لى حيلة فى هواك ولا مهرب

من احتل الفؤاد بإرادتي له العمر يُذل
فلا الحب له قوانين تخترق
ولا لمن غرس في الروح عشقه منه نتحرر
فيا وحيد قلبي أحبك
حتى وأن لم أجد سببا

يعنى إيه أفضل أحبك

وانت عامل نفسك مش هنا
لا ياروحى انسى الكلام ده
مع قلبى ماينفعش كده
أنا حبى نار وإيده
أما حبك ما منوش أى فائدة
اتعدلى شوية حبة
لاحسن فى يوم قلبى يمل
ومنك يستخبى
وساعتها هتعرف يعنى إيه وجع الأحبة
الحب يا روحى وصال واهتمام
أما دلع وطناش دا ماينفعش فى درب الغرام
ودى نصيحة للى فاكر نفسه قدها
اعقل كده

خايفة عليك من وجع البعاد

صعبان علىّ اشوف دوختك وراى فى كل حنة أعدى
فيها

الحب أجمل قوى لما تحط حبيبك جوة عينيك

لما تحس بأهته محوطاك

فى كل كونك فى لحظة الاشتياق

جرب كده وارجع لحضنى

هتلاقيه بر الأمان

وانا هاستنى هنا كل اشتياق

والنبى عارفة راجع لى راجع

وكلمة وحشتينى ترج المكان



جنتنى حضرتك

أنا قلبى اتوجع من ده جدع
ليلك نهارك جنتنى
مانيش عارفالك
أنا سكة ترضى جناب حضرتك
دلع فيك وبندلع وبنسامح وبنفوت
بنراضيك ونداديك
علشان نكسب ودك
واشوفنى فى يوم نور عينيك
ومش راضى ومش كافى
طب انا أعمل إيه
راح أخبط راسى خلاص فى الحيط
يمكن تحن من أنتى
باكلم نفسى وانا ماشية

وانا قاعدة

وأنا في وسط الناس خلاص تايه

ومش ناوية اسلم للياس انا رايتي

هافضل وراك لما أجيبك أنا

تسكن هنا في سكتي

يكون قلبي لك بيتك وجنتك

ويكون بُعدى عنك فيه هلاك روحك

وضياع بسمتك

آه من اللى تحب في يوم ملاك

لا هي طالت تطلع معاه في الجنة

ولا بينزل يعيش معاها هنا ع الأرض



بس اسكتي

عامل نفسى ما يهمنىش

ولا انتِ فى قلبى

ولا لمسة حاجة فى دنيتى

ما باحبكيش خلاص ما باحبكيش

بس بتونس بقربك

بابقى سعيد وانا حاسس برعشة قلبك

من ضحككتى

من لمحتك لصورتى

أو حرف باكتبه يدخل يد فى دنيتك

اسكتى

خلينا نحس بس

بلاش نسمى الى بنا باسم
متعلقة عينيَّ بصورتك
بافرح بحرف منك عيني تلمحه
بتيجي على بالي كثير
بابقى بابص للبحر والسما
وصورتك في وسطهم
بس ما باحبكيش
صوتك ماهوش حنين
لكنه يجنن
عاملة نفسك جامدة صحيح
لكنك دايرة من همسى أكيد

هتبعدى

طب يلا ابعدي

جربى هتتعبي

هتجى لى تانى أكيد

أما أنا بصراحة مش عايزك تبعدى

بس ما باحبكيش



آخر نقطة فى الكون

بعيدا بعيدا فى آخر نقطة على الكون
أجلس هناك القرفصاء
وجهى يكاد يلمس الأرض
مغمضة العينين
أستعيد شريط حياتى بمفردى
لماذا هنا وافقت؟
ولماذا هنا رفضت؟
وكيف رضيت بهذا العطاء إلى حد الهوان؟
ولم لم أعتنى بذاك؟
وأين عقلى حينما ارتضيت بهذا؟
وعقلى بركان يفور
كلما شعرت بكم المذلة وإلا هانة التى سمحت بها

لتمر من خاللى لعمرى على يدى
وتدمع عيناي أنهارا بلا توقف
تغرق أرصفة الطريق حولى
وتظهر شمس يوم جديد تطل علىّ أنا وحدى
تنذر بميلاد شخص جديد خلق منى
أنشطر نصفين
ويتسلل منى وحش مشوه المعالم وتظهر تفاصيله
تصيينى بالرعب من تلك المخالب هل هى منى أم
منه؟
وأتلفت حولى لا أجد سوى
و تصيينى الفاجعة!!!
إذا أنا أصبحت ذاك المخلوق المتوحش المشوه المنفر
كيف هذا؟!!

فألقِ نظرة إلى نصفى الآخر واجدة

به بقايا براءة من عهد فانت

وأصرخ

ويعلو صوتى حتى يلامس أول سحابة

من إذا سأكون أنا؟!

لا أستطيع تحديد هويتي



فیه حد غیری

حد غيرى خد مكانى
ولا قلبك مش عشانى
قدامى لكن مش معايا
بتقول كلام مش لى انا
لمسة إيديك بتقول حبىبي
الضى فى عينيك مداري
فاضح سرك المستخبي
مين ساكن فى فكرك
مين غير ملامحك
مش أنا دا حد تانى
اتعودت على بعادى

ووجودى بقى شيء عادى

بتفرج ومستنية وساكتة

حاجة هيناطقها لسانك

هتفك سجن كلامك

منتظرة


لحظة إطلاق سراحك وسراحي



قلبي ارتوي

نزل حبك على قلبي ارتوت شرايينه
خليك شوية ياما القلب اتوجع
وانت بعيد عن عينه
روحي ردت لى
لما عيني جت قصاد عينه
بلاش البعد ده تانى
حرق فى خضار أَرْضِي وبساتينه
رجعت الفراشات تحلق فرحانة فوق
الورد من تانى
الى طرح من بقايا تراب خطوتك
على أرضها زهر من جديد وردى

نورت شمس حبك في نهاري
من بعد زعلها واحتجابها عني
ولا القمر حالف ليرقص ويانجومي
على دقات قلبي وصوت الضحك
الى على صوتها وصل صداها للسماء
حتى نقوش توبي اتلونت بفرحة لقاءك
تستحلفك بالله
خليك
او عاك تبعد بعيد تاني عني
وعن توبي



ورضی عنی زمانی

ورضى عنى خلاص زمانى وهدانى بيك
وده أروع عوض ما حلمتش أنا فى يوم بيه
دا هو دا الحلم اللى فى كُراسى كتبتة يوم
لا هو فى كدا فى الدنيا حب
وله عشق يصادفه قلب
دا أنا وربى باقول فى كل لحظة
اكيد دا حلم
ولا راضى عقلى يصدق
ولا قلبى عايز فيه يفرط يوم
وجالى حبك فى ليلة كده صدفة ولا ع البال
سكن فى القلب دا

والله حاجة كده اروع من الخيال
فيضان عشق وكان مستنى
يروى لى أرضى البور
وساد ليل أخيراً نُور
نور عتمة قلبى الى سكن فيه البوم
ونبت جذور العشق من تانى
وطلع لها ورق أخضر جديد مبدور
وبدأت أحس بجمال زمانى الى كنت انا منه زمان
محروم
لا عايز أفكر
دا حلم ولا واقع؟!
ما عدتش يفرق معايا كتير

كفاية انى عايشة فى حاجة مالية دنيايا

سعاده وافكر ليه

خلاص يا عقلى خد لك أجازة

ويا أحزاني اسكنى فى أرض غيرى

مالك مكان هنا تانى

انا حبيت واتحببت



عصفوری الشريد

شايفاك من بعيد من غصن لغصن عمال تطير
 بتدور لك ع عش جديد حيران كتير
 وكمآن مش سعيد صعبان علىّ
 أكيد بقيت يا عصفورى الصغير خلاص وحيد
 جرب حب جديد اتمنى لك تبقى فرحان وياه و سعيد
 حتى لو حطيت على عش جديد وحييت عصفور
 زيك شريد
 يا رب تعيش وياه سعيد
 لكن خليك فاكر عشى انا اتبنى لك لو حدك
 هيسكنه غيرك قريب ساكن جديد
 وهاكون انا كمآن اكيد وياه سعيد
 أصلى لاخنت ولا وجعت حد ولا غدرت زيك بقلب
 ولا ضحكت بكلمة الحب الغالية
 وخليتها على لسانى ارخص من الصفيح

هاستنى اشوف هتعمل إيه وياك الدنيا من بعدى
هتعرف فعلا تعيش هتسعدك هتحبك اد ما حبيتك
هتكون انت حبها فعلا الوحيد
هترضيك وتداديك وتراعيك
وتتمنى لك الرضا بس لو ترضى
ياريتك معاها ترضى
لا وحياء حبي الكبير
لا هتتعلم تعيش بعدى الندم اكيد
وهتفضل كده على كل غصن تطير
ولا هيكون لك فى يوم عش تانى وحبيب
بعدى اكيد وادى الأيام رايحة وجاية
وهتفرج عليك واكيد
هتصعب على يومها
ولكن انت اخترت دا النصيب



لسه فاكر

لسه فاكر لما كنت باقول عليك انتِ

- البنبوناية الحلوة الصغيرة -

الى بتحلى زمانى

كنت بادعى ربى كل يوم تكون روحك

دايما ساكنة هنا جوة روحى

اعرفك انت دى الوقتِ برة حياتى

بعدك عنى خلانى ميتة

باتنفس سكاتى

كان قلبى ساكن جوة منك والنهارده

رجع لى مكسور بيلملم آهاتى

كنت لى معنى السعادة فى وجودك

وف غيابك عمري ما دوقت لحظة سعادة

باقى منك حبت حاجات على ذكريات

هالمها وبرة عمرى بإيدى هدفنھا بعید
وانا راجعة راح اقرا على قلبى السلام
والبس بلون غدرك بقلبی سواد
واوعدك لا عمرى تانى هاصدق ولا اعیش بعد حبك
حب تانى
راح اموت من سکات



هأبءأ من ءءبء

راح ابدأ من جديد
أصلها مش مستحيل
هاضحك على اللى فات
ومش هانسى الذكريات
هافتكر بس الحلو اللى عدى
وهانسى الوجع
وهامسح من دنيتى أى آهات
هاقول ياه كانت أوقات
عدت وهاعمل غيرها من سكات
لا عمر حد خلق السعادة لحد
ولا شقاه
هانساك اكيد
وهاعرف أحب من جديد

الدنيا أصلها دروس
وانا اتعلمت خلاص
وهادوس برجلي هادوس
على ألمي
على كل اللي وجعوني هادوس
وهانادي باعلى صوتي للسعادة
تعالى قوام
هاعمل حروف جديدة
وهاشكل الكون من لون سعادتي
وزي ما عملتك إله
هاخليك ترجع مكانك مع العيد



جذور عشقك

لم يمنعني عن قتلك سوى
جذور عشقك فيّ متشعبة
سأنتزعها برفق واحدة تلو الأخرى
وسأصبر عليها كما صبرت عليك يوما
ثم سأغزلها في يدي
ولأحيط عنقك بعقدٍ من هواي
وأقتلك به يوما
من تعلم الحب على يديك والكذب والخداع
سيتفوق يوما على معلمه
هذا وعد مني
فانتظر إنا منتظرون



بسیف الغدر غافلني

أتى لينزع سكين غيرة من فؤادى
وطيّب الجرح
وداوانى بالهوى
وعندما نسيت المي
والتأم جرحي
بسيف الغدر غافلنى
وكنت أظن ان السيف
لم يخلق يوما ليده
وفى قلبى المعافى
وبلا رحمة
شطره نصفين
وتناثرت أشلاؤه
معلنة ذبح الجريح
بيد الطيب
ولا عجب



يا غائبا

يا غائبا ماتت على أعتابه متعة الانتظار
وانتحرت على يديه كل الحجب والأفكار
ما عاد لبُعدك لذة سوى الانتحار
وليس لدى من أعذار أُسكن بها الاشواق
يا ليت القلب لم يَذُق على يديك روعة الاقتراب
وعاش يسكنه البوم وتنتشر بجدران الخراب
كنت أحيأ بلا آمال وخلقْتَ على يديك الأمل
فلا عشت الحب ولا ظللت في دنيا الخراب



حبة حب

حَبَّةُ حُبٍّ

نزلوا كده ع القلب فدق

رعشة في صوتي

لما لأول مرة انا قلت

انى باحب

لمعت عيني

ضيها نُور كل الكون

حتى الورد

من فرحة اتجن

باعت لى بوسة على الخد

كل الكون حاسس بالفرح

عامل زى أهل عريس

واقفين على رجل

وأخيرا انا قلبى هيتهد

لا دمعة فى عين

ولا حتى لحظة حزن

أصل حبیبى أعلن للكل

انى هاكون من اليوم ده نصيبه

راح أشاركه فرحُ ويا الهم

وهاغمض عينى وافتحها

على صورته وبس

هاسمع وحدى كل كلام الحب

هيكون من بقه لى انا وبس



أنا مسامحاه

أنا مسمحاه
على أيام حلوة عشتها أنا معاه
أكون خاينة قصاد قلبي
لو جرئت أقول انساه
راح ادور على كلمة غير أنساه
هاقول هاعيش على ذكرى
لأحلى ملاك
ويمكن تكون أحلى أيامي
الى عشتها أنا معاه
راح ادى له أنا حقه من السعادة
الى عشتها معاه
هاقول للناس دا كان روحي
دا ملكنى أحلى الذكريات

دا كان الحاجة الحلوة فى عمرى
وكان يومى وكان أملى
وعمرى فى حُبّه ما قلت الآه
كانت شمسى بتشرق
لما أصحى على سطرين
صباح الهنا على أحلى هنا
عرفت يعنى إيه الدنيا بقى لها طعم
دا لما كنت انا باشوفه
بانسى انى عايشة فى الدنيا
لحظتها باحس
معنى ريح الجنة فى لقياه
ما عرفتش معاه فكرة
إنى ممكن فى يوم انساه

وعشت على أحلام على آمال
على كثير أوهام
لكن راضية بأقل قليل
ما دمت معاه
ودارت بيَّ أيامي
وغاب شمس دنيای
ومرة ف مرة دابت كل أحلامي
وانا باصحي ومش لاقية ولا كلمة
ولا نظرة حب ولا لحظة اهتمام
ومات فيَّ أعظم حب عرفه إنسان
لا عمري كرهته ولا فكرت
دا الى زرع حبه
ما بين جفني وسكن عيني
ربي

والى زرع ربه ما يقدر يكره إنسان



خليك بعيد

خليك بعيد بُعدك كده أرحم
لا قرب ريح ولا وصل نافع
ولا عادش لى إلا بعادك ويا المواجه
عشت أقول الحب هو السعادة
اتاريه ضرب من الشقا ويا التعاسة
ولما راحت منا السعادة
هنعيش ندور عليها ليه
ماهى جت وراحت معاه
مع السلامة
وليه نتعب قلوبنا
فى قرب وشقا
وبُعد ووجع
خلينا نخف من دا هوى

أصل الحب أصبح خلاص
في الدنيا رمز الشقا
هو الداء ولا سببش دوا
ادمنا إحساسه وقربه
بهدلنا وجوده وبُعدَه
نعيش بقى بلا إحساس
واكيد هنلاقى فى بُعدَه الدوا
حَبَّة بقى نرتاح
القلب وربى انكوى
ملعون ابو اللى يقول يا حب
وم اليوم باعلنها قدامكم
بكفرى بالحب وبالهوى



سلامتك

سلامتک یا قلبي
سلامتک یا روحي
من دا غرام
لما عیوني
شافت حبيبي
روحي شهقت
من غير كلام
خايقة يا عيني
من الملام
ومن الهوى
دابت روحي
وقلبي انكوى
كنت فين

من زمان
القلب اشتاق
لدا دوا
طبيت جرحي
بلمسة إيديك
بنظرة عينيك
سحرتني
اسندني يا قلبي
انا في قربه
ضعت وتوهت
ماعارفة أنا مين
ولا إيه جابني هنا
سلمت عمري

والله خلاص

مستسلمة ومسلّمة

الفهرس

٥	متطرفة فى الحب
٧	أكون أو لا أكون
١١	اشتياق يفضحة العيون
١٥	قلبى وكرامتى وحوارهم الحزين
١٩	روح متكسرة
٢٣	انا باكرهك
٣١	منتظرة رهن إشارتك
٣٥	تانى خدعنى
٤١	قرر انت
٤٣	كله عادى
٤٧	نيران العاشقين
٤٩	الحب حيرة
٥٣	حذارى من ذاك القناع
٥٩	آه محبوسة
٦٣	سأنفض عنى غبار غرورك
٦٥	هتملنى
٦٩	مش حجر
٧١	ولا فارق
٧٥	طرز
٧٧	ملعون أبو الى يقول يا حب

٨١	أحبك بلا وعى
٨٥	يعنى إيه أفضل أحبك
٨٩	جنتنى حضرتك
٩٣	بس اسكتي
٩٧	آخر نقطة فى الكون
١٠١	فيه حد غيري
١٠٥	قلبي ارتوي
١٠٩	ورضى عنى زمانى
١١٣	عصفورى الشريد
١١٧	لسه فاكر
١٢١	هابداً من جديد
١٢٥	جذور عشقك
١٢٧	بسيف الغدر غافلنى
١٢٩	يا غائباً
١٣١	حبة حُب
١٣٥	أنا مسامحاه
١٣٩	خليك بعيد
١٤٣	سلامتك